




مختار اثر هنر

ایوب

احیر خنفره

إعداد : بدر نصاری

لقد ضاعت أكثر أشعاره و معظم ما تبقى منها
كان مسجلا على أشرطة صوتية و قسما آخر
كان محفوظا فى قلوب أصدقائه و محبيه .



شاعر من شعراء الشعر الشعبى فى الاهواز ولد
عام ١٣٤٧ هجرى شمسى فى مدينة الفلاحيه
. مدينة ابن سكيت ينبوع العلم و الادب التى
لا زال يفوح فيها عطر آثار علمائها الماضين و
تعيش فى حلاوة قوافى ادبائها المتميزين و
تنجب خيره من الشعراء المبدعين .

فى هذه البيئه الادبيه الطيبه ولد شاعرنا و
اصبح شاعرا بارعا مجيدا. هيمنت على شعره
حرقه يشكى بها هجر حبيبه و فراقه و تلهفه
لوصاله و كذلك عتاب على الزمان و غدره.

ما وصلنا من شعره اكثره فى مجال الغزل . لم
يمهله القدر و قطع به السبب عام ١٣٨٥
هجرى شمسى على أثر حادث مرورى .

بِسْمِ اللَّهِ الرَّحْمَنِ الرَّحِيمِ

﴿رداً على اغنية ياس خضر﴾

واسمعنه نوح وبيجي

والآه والياويل

ياريل صبح ابقهر

صيحت عتب ياريل

جارالزمن ياحمد

ومن عدنه ركي الحيل

دورنه ماش بعد

حدر السنابل گطه

مرينه ديرة حمد

يمظفر النواب

وين المضايف ذكن

المشرعه الابواب

اووين الدلال الذهب

قاطيه من اتراب

ودورنه ماش بعد

حدر السنابل گطه

ضيّعنه ديرة حمد

واحنه ابقطار الليل



﴿انه كربه﴾

انه كربه اوگعت من نخله و خذاني المذ
ويزتنى ابكيفة للردمات حدرني وبعد مارد
ولگاني البيه يشتعل نار يخاف امن الوكت يبرد
و جابلني و يچمّل حطب فوگ اجلاي اشما راد
الجمهر يخمّد
ولك بسك دطفي النار يل شایل حقد اسود
ما ضلت بگايه و صرت صم ارماذ ازود
مومن البرد بردان چه حبك ثلج تبرد

﴿الحقيقه﴾

اطلعت کلک دغش و اعرفتک اشبيک
و کشفته الحقيقه مرور الايام
و چنت بالع النخله ابشوکمه اویاک
والک چمر دگه خایب بالکلب ضامر
و چنت غالی و لا فد یوم رخصیت
تالیه ابرخیص ابسوگک انسام
اعرفت ساسک رمل و ادريتک اتمیل
لچن گلت الیحب متغیره الاوهام
و طلع گلبک فحمر بس ابيض اثیاب
کشفیت الحقيقه و اشفتک اصخامر

﴿ماني شاعر﴾

ماني شاعر لکن اکتب من کثر ضیمر العلیه
یا قلمر دکتب ابکيفک و اشرح الککل البریه
او خلی کل الناس تدری آنه عاشگ و العشگ
ماظن خطیه
و حامل اشواگی الحبیبی و الکلب باثنین ادیه
جای اقدمهن ابعیده ایكون یقبلهن هدیّه



﴿احبک﴾

انت عینک عله شفتی و آنه عینی اعله
الشفایف

و آنه گل اعظامی ترجف انت خایف و آنه
خایف

اشلون هسه منهو یحچی منهو ییدی بالسوالف

انت لو آنه دخیلک مو همت و آگلیبی تالف

ادری بعیونک تحبني و گلبی لعیونک اموالف

بس تعال الیحچی کلمه ابلا خجل و ابلا
مخاوف

ما خجلت ایومر مره و بالیحچی شایف و عایف

و یامه یامه السانی غازل و سگتت یامه
مضایف

و هسه ارید اچیلی کلمه مرتبک جسمی
ایتراجف

وانته شوهر مثلی ترجف و بالعرج شو مثلی
طایف

اشصار بینه اشمر علینه اشکثر مرینه ابمواقف

ما خجلنه و ما رجفنه و مانبوگ العین طارف

چنه مو کلمه احبک چن جبل بالسانی و آگف

ورد آگلک شنهی هیه کلمه لو جرمر و مخالف

شو احبک حیل احبک کافی عرگانین و اندور
مناشف



﴿تعال﴾

تعال احبيبي أغنيك أغاني العشق والعشاغ

تعال الكمر يتناوب أخاف اينامر والليال السمر
تنباغ

تعال الليل حل حزنه و علي ثوب الحزن بس
لاگ

تعال الدنيا ماتسوه بعد بسک حبيبي افرآگ

تعال اردود رجعني لدروب العشق مشتاگ

تعال الفرگه چتاله واغروب البعد خناگ

تعال ابعيد وديني وخل مرکب غرامي ايجدر
اعله الراگ

تعال آگليبي الک عطشان خله اشوفتک

يروہ


تعال وخل اشمنک ولو عمي العشق بلوه

تعال وفرح آگليبي واخذه الروح الک
چسوه

تعال العمر فات ابساع وجفتني ايامي الحلوه

تعال آنه ابھواک اسنين ذگت الحلوه وامرہ

تعال وخل اسولفلک حبيبي الدنيه ماتسوه



﴿يابوسه سفر﴾

يابوسة سفر بوداع الأحباب
مثل طعم العسل عند المحبين
اوياعشگ الشلب لبرودت الكاع
يميل اويه الهوا اويتوسد الطين
اويادله التفوح بالكرم هيل
تسگي اضيوفها ابكاس الفناجين
اويازفة عرس وبهور الأشواگ
حاضنه الكصب حضنة محبين
اويانسمه هوا وتلاعب ازلف
اويافوح امن الزلف عطر الرياحين
اويازخه مطر باليال الفراگ
تبجي اعله المشه ابكل الدرايين

اويالهفة ولف عد شوف الاحباب
يكسر سد عبرته الضامه اسنين
اويامهره ابدويه اتسابگ الريخ
تدبج عالارض مثل المجانين
اوياصارمر عرب گص چف الاوغاد
تشهدله ابفعل سوح الميادين
اويابخز الشعير او قمر البرير
ترويحہ الضحی لهل البساتين
اوياصوت الربابه اونغمة العود
عذب يروي العطش كل المطربين
اوياشمس الصبح من تدبج الليل
تگص راس الظلام ابسيف من طين
اويانايل الحماس ابساحة الويد

غنوه العرب باحله التلاحين
اوياتسيورة گمر باليال الوصال
مثل بردي الحزن ماي الكواهين
اوياصولة چعاب الماخطا اصواب
لاچي اوبالعب حاز العناوين
اويافارس حلمنه المانسيناکی
غمگ للعظم جرح السچاچين
اوننتظرک تجينه ابلفهت احباب
تفک قيد الأسر عن المساجين
تدري انته اوبعد ما حاجه ننخاک
ولاحاجه الشرح کل المضامين
چمر ثارالبگه اوينتظرک اتعود
ترد بسمه السلفنه الغابت اسنين

﴿عفيه گلب﴾

عفيه اشكر عندك صبر

عفيه وبعد عندك أمل والدنيا مصباح او
عصر

عفيه گلب عندك طمع وبالدينا بس تعلق
شمع

عفيه گلب چمر دمه خرسه ابرمش عينك
تنتحر

عفيه گلب عندك خلگ تكتب شعر

عفيه گلب بعدك وفي وللعدبك هم تنكسر

عفيه گلب مشحوف صرت ابلا شرع او يلماي
تمشي وتنحدر

عفيه گلب واشگد جرت بهموم غضيت العمر

عفيه گلب سعه ابهوا وخايف عليه امن
الكسر

عفيه گلب تتحمل اجر وحاشكثير

عفيه گلب واشگد عند كلما الومك مستمر

عفيه گلب واتحملت نار الهجر

عفيه گلب عفيه اشكر تحمل قهر والنار
وسطك تستعر

عفيه گلب رغم التعب واتحملت چوي الجمر

اي ياگلب ادریک رايح تهنجر

اي ياگلب ادریک صبرک من جبر

اي ياگلب ادریک تعبان الفكر

لا ياگلب لاوين بعدك تنتظر

ابعث عديت مشوار العمر

لا ياگلب كله ابعث غضيت مشوار العمر

لا ياگلب لو اطلع اشما بالجدر

ماظل ورگ فوگ الأرض

ولاظل بعد يوجد حبر



﴿ياگمر﴾

ياگمر سَيرِ عليه و ضوِّي هليله ايسمرنه و
لا تغيب

عندى الكى حفت سواف ظيمر و امشاجه و
نجيب

و روحى مشتاكه و تعاتب و اشكثير يحله
العتب و به الصبيب

وانه بين النوم و اليقظه حلم و ينتظر جيت
الحبيب

وضيعت سجت اظنونى و ها اودى و ها اجيب

و عشت كل العمر غربه و يسعر ابكلى الهيب

و تدري بالغربه عذاب و انه عايش بين خلاني
غريب

و صفن بيه اجروح كثره و خان و ياي النصيب

و خل اكلكى يا جرح منهن فطمته و يا جرح

يرضع حليب

خل اكلكى يا كسر طاب اعله عيبه و يا كسر

يرجه الطبيب

جرح بلسان الشماته و جرح نهشت ناب ذيب

و كسر يحفوف الكرابه و كسر يحفوف الغريب

كل جرح بالروح يبره بس جرح فرغه

الاحبهم ما يطيب

و كل كسر نگدر نجبره بس يظل كسر الخواطر

بالكلب حتما يعيب



﴿ارحم ارحم﴾

ارحم ارحم حته لو من صخر گلبکي، خل
يرج مره اعله حالي

ابيقتضه لو نايهر حبيبي، طيفك امعاشر خيالي
اشما ردت انساك يشگر، ذکرکي ايدور اعله
بالي

رخصت عمري اعله مودکي، واشتریتکي سعرغالي
حقرت نفسي و هویتکي وساهرت سود الليالي
صمر رمل ملئت بیدی و رجع منک چفنی خالی
انت اغله الناس عندي و ابد غيرکي ما حلا لي
اتسلحت و اگصدت حبکي لو اموتن ما ابالي
انه ما غيرني بعدکي، شنهو تبعد، شنو اگبالي
و ابد ما ریدن يغير شر جي اطباعکي شمالي
ثابت ايجبکي حبيبي و بقة ثابت کل جبالي
بس بقیت چلمه ارد اگلکي، اهيه اول و اهيه تالي



﴿ضيعيتك﴾

ضيعيتک يا حبيبي و ضيعت روحي الحزينه
وضاع دربي

والعمر عديته كله اعليک ادورّها اجيب وها
اودّي

و دورت کل الشوارع والعجود الگبل ايد
ابايد بيهن چنه نمشي

وما لگيتک و ارجعت للبيت ادورّ دفتر
اشعاري القديمه و محرکتبي

و دورت کل الرسايل و الاوراق و صور زغري

و دورت بشايي عنک گلت هالبت الگه عطرک
باقي عندي

و دورت کل الأغاني لا تسافر احنه موعده
المطار و مادريت اشبيه ربي

و دوريت ابسیرت الحب و الاطلال و انت
عمري

و دوريت ابيا حريمه و سلامات و خلص صبري
و مر قطار الليل مسرع و الحمد عيناى تربى

و دورت کل الاطوار امحمد اوي احليوي صبي

و و جرت ذیچ الشموع الطافیّه ابنیران دمعي

و فزرت کل الجروح النایمه بأقداح سکري

و لاح من عندي خیال ابکاس خمري

و من رفعتہ ابصحة الحب ضاع مني و سلمت
للباري عمري

و مات أجمل حلم وردي


وانت حر بالشوگ حبي

و بعد ما ظل أمل عندي

و من گطعت الأمل منک

دوريت ابتوبه عنک

گلّت : ضاع اویاک تعبي



«ای یا گلبي»

دمعه و تتمرجح برموشي

طاحت شمت عطر الورگه

صارت نايل غنا گلبي

و صارت شمه و ضوت دربي

و صارت خمره ابكاسي و شربي

اي يا گلبي ، اي يا گلبي

دمعه و تتمرجح برموشي

طاحت شمت خد الورگه

صارت مرهمر يشفي اجر وحي

و صارت همي و ظيمي و نوحی

و صارت ورگه و سگنت دوحی

اي يا روجي، اي يا روجي

دمعه و تتمرجح برموشي

طاحت باست خد الورگه

صارت تعبير احلامي

و صارت ذکرى ابکل ايامي

و صارت يقضى و بين احلامي

اي يحلامي اي يحلامي

دمعه و تتمرجح برموشي

طاحت شمت عطر الورگه

صارت قلمی حبر اشعاري

و صارت همی و جرحی و ناري

و صارت صدره اتبوح اسراري

ای یا ناري ای یا ناري

دمعه و تتمرجح برموشي

طاحت باست خد الورگه

رسمت صوره اتمثل حبي

و صارت اول جرح ابگلبي

بس ما راوت ظيمي و شعبي

اي يا گلبي اي يا گلبي



﴿سگیتک مای﴾

سگیتک مای من عینی
گلت بلکه الدمع یرویگی
و طعمتک من لحر زندي
و گلت هلبت یغزر بیگی
و رسمیتک عله اوراق الشجر
و احمد بیگی
و اکتبلیک غزل عشاگی
لنجوم السمہ ایودیگی
و غازلتک مثل جاهل
و من تنام الولی اعلیگی
و غادرت ابجیاتی و طوعیت الروح

و حضرت ابکل وجودی و ابشوگی افدیگی
و علت اعله النفس مرات
و عملت اشماردت یرضیگی
و اموتن من تروح ابعید
و افزن من یمر طاریگی
تالیه اترکتنی و رحمت عنی ابعید
ین مثلی الوکت یبلیگی
ولا چنک حبیب الروح
ولا ذاک التعب یعنیگی
چا هادی جزات الطیب
و الیوفیگی
ما یکفیگی

کل هاذہ العملته اویای
ما یکفیگی
بایعنی و شریتک سمر ما ینقاس
عجیبه اتباع من شاریگی
اخاف ادعی علیگی و حوبتی اتضرک
و ادعلیگی و آگولن ریگی ایخلیگی
و انسئی العین رسمک گلت بلکی انساکی
لو طبگی جفنه انوب تحلم بیگی
و من شفت التعب ویاکی ما غزر
ردت من الگلب امحیگی
و لگیتک بالگلب منحوت
و حاولت اشکثر بس ما گدرت اجزیگی

﴿ صفنه ﴾

صفنه ايسلام الشمس تاخذني حد الصين
واذكر مضاييف هلي واذكر هلي الطيبين
من چان ليل الشته يجمعنه موگد طين
ما نشعرا حنه ابرد و احب امس دافين
واليوم حبه ثلج و اهل الهوا المعسمين



﴿ عنى ابعء يقاسى ﴾

عنى ابعء يقاسى وروح و انسه البينك و بيني
و ضل ابراحتك مرتاح و انه ابظيمى خليني
و خللك ملتبه اويه الغير شعري يضل يسليني
و خل الظيم يفرشنى و خل الفرگه تطويني
و لوهي الفرگه تحرگنى الدمع يتزل يطفيني
و اذا شح البصر بيه ماريدك تدليني
و اذا گص البرد بيه ماريدك تقطيني
نار البيه مسعورا تحرگني و تدفيني
كل هذا الجرء قسمه وين المفريا عيني
طالع و انطبع اسود و امين عله اجبينني

﴿ امنين اجيت ﴾

چان گلي ارماده طافي امنين اجيت انفخت
جمره و ولعيته
و الچمت بيه الجروح و من جديد اجرور جدد
و سريته
الله لا ينطيك خايب انه هاي اسنين بر ماد
الچاير دثريته
و اشكر ملتته و گلتله اما يحبك لا تحبه و عله
الماش صبريته
و امن ت مدله و گلت يمكن نسا هم و العشگ
خلصت قضيته
ما دريت انوب نظره اترجع الماضي النسيته
و من بعد كل هالسنين احساب امس من
فارگيته

﴿ لا تدور عل غلط ﴾

اعتذر اباول كلامي و اطلب الغفران منك لو
خطيت

حتي باجر او كف ابوجهك و اگلک خويه انه
اتعذريت

لا تدور عل غلط بحروف شعري اشما حچيت
و انتبه شنهو الاگوله و شنهو عانيت ابزمانی و
مادريت

امين اسولفلک يغالي تحيرت

خاف اشک ایراب شعري و اتگول عني
اتسودنيت

انه صار اسنين دافن خنجر ابين الضلوع و ما
شکيت

انه عشت العمر كله امدثر ابيايم صبري و هم
اظن حگي لون ادثريت

انه بالسان الشماته اتجرحت

انه باسيوف الحياه اتطبرت

انه باحبال الملامه اتحتقت

انه دولاب الوکت فرني ابعكس و تدوهنيت
انه ميت

انه بس ارسوم امشى اعله الارض يلما دريت

انه چمر مره اعثرت بدروب حسباتي و چبيت

انه چمر مره ابسها م الحظ خطيت

انه مرتني المئاسي و لا خذيت و لانطيت

انه يا انه اعله بختي ابزید و اعبيد اجنته و
امنيت



﴿ اشلون انطاك گلبك ﴾

اشلون گلي انطاك گلبك يا حبيبي وسافريت
وحتى ما كلفت نفسك للموادع واعتنيت
وانت تدري باب بيتي امعلم اقبل چفوفك
بیش گلي اترید اقنعه بالسفر لو طوليت
وآنه شمعہ اباب بيتك عاندت كل العواصف
ماطفيت
آنه يصعب عليّ مَك عيني ترمش وآنته هان
اعليك تركني ومشيت
لا ملح غزّر ابعينك لا أعز اسنين عمري
الضيّعت
انچان من عشرته عمي اشوي خجاله
اتحجّلت
يا لچنت أحلم ابگرک و يامه بحضانك غفيت

ويا لجعلت اگليبي مرسم للجروح و چمر
جرح بيّه ا رسميت

والعمر خليته دفتر ذكرياتك صار ماضي
وهيچ من عنده ابتريت

و چنت احبن حتى زعلك ولوّن تغضب تغده
أحله و تضحك الدنيه لوّن اتسميت

يا حبيبي الدنيه ماتسوه اعله بختك چي جفتني
أيّامر سَعدي اتمگطعيت

وهدمت عش المحبه ودمرت كل ما بنيت

ووهنتني وصرت شاعر و أحرمتني النور من
يوم العرفتک وابتليت

گلي عگبک امن اکتب والشعر يحرم عليه
ابغير شخصک لون مره تغزيت

وين وعدك ووين حلفانك دگلي اشغير
اگليبك علي واتغيريت

ووين ذاك التعب كله والخواطر والرسائل
چا نسيت

چا نسيت ايامر حبه والمواعيد الجميله و
لليعبدك كفرت

آنه احبيبك يا حبيبي أرد اذكرک خايف الحبک
نسيت

آنه ذاك آنه اليحبك وعندي ما يومر
ارخصيت

وانت ذاك انته الهجرني ابين شماتي وجفيت

موش ذنبک ذنبی آنه اهواي خليتك عليه
اتدلّلت

روح اودعک بالسلامه للهجر يلى انتويت

بس اگلک روح جرب غيري تعرف أنه اویاک
اشگد وفیت



﴿ هذا کافی ﴾

هذا کافی يالعفتني وبس بعد من التجافي

مره بس ارجوک وحده ويه هالمسکين وافي

هذا کافی هذا کافی

هذا کافی يالعفتني وما دريت اشصار بيّه

هذا کافی يالعفتني وعلي ما عندک حميه

هذا کافی يالعفتني حن ولک فد نوبه ليّه

يا محب چنت أنه اشوفک وانگلب تاليه حيّه

ويا طفل صرت أنه بيدک وانه هالتلعب اعليه

ويا حمامه انکرت عشه و فرقت من بين ادیه

واترکتني ابهر ضيمي ولاگلت ولفي خطيه

رد ولک ماتبگه هيچي وجس حناني اشکثر

دافي

رد خل احچيلک ياغالي اشگد عتاب

ابصدري خافي

هذا کافی هذا کافی

رد حبيبي وخل اشوفک وارحمر ابحالي

الحزين

رد الي ورجع الماضي الطمته اهمومر السنين

رد بعد ملّيت هجرک مابگه الحيل اليعين

رد يا صاحب وين وعدک ملّ ترا اگليبي الونين

رد ولو من صخر گلبک من لهب گلبي يلين

رد خلص صبري وثباتي وذوّب اضلوعي

الحنين

مو چنت دنيّه ابحياتي وهاير اويّه العاشکين

رد بعد لاوين امشي اعله الحسج بجفاک حافي

رد بعدهي الحنه تمطر و ابغيا بک شمعي طافي

هذا کافی هذا کافی

﴿ ولک عمری ﴾

ولک عمری خلص بجفاک یمدلل

ولا خطک لفانی ابیومر لاتنشد ولا تسأل

وأمّل بالصبر روجی ولا ترضه ولا تهدّه
ولا تقبل

وآکل ابکل فجر جفنی ولا الکر جفن یتدل

وحسنک شتل بالروح اتلک حیل ما تنتل

وچف رسمک من اعیونی وارد الکاکی متمثل

دمرنی ابلیل محتاجک ارید ابشوفک اتکحل

واسوی ایدی نی آگلاده وارید ابصدرک اتحدل

شتلت اعیونی عالعتبه واطل الجیتکی اتأمل

واطل ارگب سما اعیونکی اشما بیه المزن یتگل



دبس مرنی... دبس اجبل... ایش عمری ورد
لخطاک وآگلک مون وتدل

شسولفلک علی افرآکک آگلک موحش اویکتل

آگلک بیت بانیلک حزن والدمع ما بطل

ولوله ادموعی اترجعی لظل طول العمر اهمل

ولک عمری خلص بجفاک یمدلل

ولا خطک لفانی ابیومر لاتنشد ولا تسأل

﴿ الهات ﴾

يا صبر جرح المفارگ طيبه

ويا نفس بفرآگ خله طيبه

يا ورد بستان حبه طيبه

وخل تطيب ابطيک إعلينه الحياه

يابنات الشعر غنن يابهات

يا جميلات المحاسن يابهات

هات كل حزنک يدهري يابهات

آنه عندي اجروح غدرک ذکریات

لعبه ظنيت المحبه وّلهيت

لو هوى غيري إعله بالک وّلهيت

من بعد ما بيک گلبی وّلهيت

عفته بين الموت ظالم والحياه

أبد ما صار النريده والنبي

وگلب کل طيب تشوفه ونبي

أقسم ابجيدر علينه والنبي

يجي يوم النوگف ابوجه الطغات

سهر خلي الصاب گلبی واللحا

ونالت الدورث عليه واللحا

گوّه کاتر آه روحی واللحا

وآنه اجرث بآخر أنفاس الحياه

اسهام دنياى ابرحيلک ماطره

وشتظن گلبی غيايک ماطره

ماطره ابالک تعاود ماطره

لو أنایس بعد منک يل حيات

من جفا المحبوب گلبی ماعله

واخلس صوتي ابرحيله ماعله

ماعله الشمات بينه ماعله

احنه روحين ابجسد متعلگات



﴿ الأبوذيه ﴾

ملمر غير أسي دهري وهيمن
علي وامن اعرف اهلي واهيمن
احسبت مشكلتي من ضدي وهيمن
اخوي وصار منه المرض بيه


فت روجي الهوى يسمر وعودي
نخيل وابد ما اخلف وعودي
صرت بس للحزن اطرب وعودي
يحب مثلي الحزن ويحن عليه

يمته يجمع شملي وشملاك
واقبل وجنتك يشكر وشملاك
انا اشعندى غيرك وشملاك
الوحيد انتة او بعد شخصك عليه

مجانين الهوى خمسہ وناسات
وهم ليلاي عافتني وناسات
يگولون البعض بالحب وناسات
ونه امن الظير صار اجنون بيه

﴿ الميمر ﴾

بقدمر حبك للكلب حينه
وليال لجلك ياترف حينه
موتنه هجرک بالوصل حينه
ورجعنه للحب عالهجر مانگدر



﴿ العتاب ﴾

بجت عيني وگلت يحباب عودو
واذا لا گلبی عالہجران عودو
ابهجرکم لا اشمر ارياح عودو
ربيعي ابدون شوفتکم عذاب

شت فکري ابجفه الخلان ونطاش
لئن قمر المحبه انفض ونطاش
انجفه کاس العمر عالگکاع وانطاش
وبعد گلي اشيلمه امن التراب

﴿ الدارمی ﴾

جيت وجبت ويّاي کل طيب الأهوار
آنه امنهل هالبیت لا ماني خطر



﴿الموال﴾

آيات الڪ بالحسن قمتاز ياسمر أحد
و طرفڪ علي والنبي من الهنادي أحد
و حگ الذي ذبحوه ابغزوة أحد
بگليبي مامن ابد من غير حبك سوا
واشما جرافي يخل هجرک تراهو سوا
فد ساعه منك ردت ياترف نغعد سوا
وسامحني لو أسألك من صوبي وزک أحد

مايطرب الکل لحن بس للحزن عودي
ومن نارفرگه الولف ناحل صبح عودي
يالليل سعدي ارجعي ولمسامري عودي
مليت من الهجر چمر دوب اظل وحدي
وسري بظنون النفس حد من بعد وحدي
ياروحي جيبی الحزن عالفارگچ وحدي
ورددي بشعر الغزل لمن يرد عودي

طول لسانه البطل والحگ لسانه قصر
و أنقصف کوخ الامل و مكانه شيدوا قصر
من عدنا من الزمن ماندري من من قصر
ملينه من هل وضع الله صحننا لحد
لاوين نبگه ابعسر لازم نخليله حد
موخنکه صار الوکت و الدنيا صارت لحد
عد من سدت يا هلي بيتي و اصلي قصر

گرصت العکرب طبیعه ماهی من باب الحقد
وهاى من طبع الدنيه اتخون برجال المجد
الرجل لو ثبت وجوده ابیومر موته ینولد
والناس اتسولف بفعاله

بینه الطیب صفاته اتمیزه عن باجی الرابع
والتحنیظ ما رگاها و تايه ابوادي الضیاع
وصل للغايه التواطوا وانحمد بالإجتماع
والزین الناس ایحمدونه

گالوا أسسئل من امجرب ابد لاتسئل حکیم
وگالوا اعلیک ایتمرد لون تکرملک لنیم
اخدم الطیب تملکه ایصیرلک أحسن نذیر
حتى ایشد حیلک بالنبیه

فرعت شگره الجدايل والشمس منه استحت
ولبدت ابسد الخسوف ابیومر سلمه اتفرعت
سحرت الناس ابجسنه وکثره بیهه اتولعت
وچمر قیس ابقیس الین بیهه

غشیم الماعرف ربعه التنفعه امن الذي اتضرا
مثل مگیول للمگروص مايدنه الحبل جرا
الرجل لازم یشخص کون خیر الرافگه وشرا
والماشخص ما یرگاها



**** ماینسی ایوب ****

عاشور وفگد ایوب ومصبح بشبه لغروب
ذکر حسین یصبرنه لچن ما ینسی ایوب
شبه نعناعه من تشتاک روح الی تحب هالگاع
گاعه ثربه طیبه البیها حیل یچلب النعناع
دنیانه لچن کلش رخیصه وبعجل تنباع
لو ایوب یبیع الدنیا گلبی ایلگط الاوجاع
تگهوه جرحی بجروحه اشینومه ما ینام ابساع
حتی اویه الریاح مصفی نیته بیوم چان شراع
یتلگه الیهاب الغیر ملگا سبع وابن سباع
مفتاح الغفل ضیم الاهل یاوسفه لاکن ضاع
راح ایوب لکن ریخته ابداره بعدهی تلوب
الله یصبر الام الی محتاجه صبر یعگوب
عاشور وفگد ایوب ومصبح بشبه لغروب
ذکر حسین یصبرنه لچن ماینسی ایوب

الشاعر حسن عاشور تابیناً لفقدان الشاعر

الراحل ایوب شیخ جهاد

اصدار :

فلاحیتی 2012